

Impresionante atardi Cultural y Folklorico



ORANJESTAD(AAN)-- Durante fin di siman pasa e grupo di baile folklorico navegando abordo di e barco "Regent Sea" a duna un presentacion enormemente colorido y varia di bailenan di diferente pais rond mundo.

Ademas nan a obtene e oportunidad di era conoci cu nos folklore.

Presentacion di e bailenan

folklorico local a ser haci pa e gruponan "Flor di Antaña", "Flor di Flamboyant", "Rhoda Super Stars", "Hubenil Primavera folklore di Portugal", "Flor di Jasmin", "Flor di Palisia" y "Teatro Danza Arubano".

E grupo di barco a keda impresionado cu e folklore Arubano y hasta a solicita pa obtene

algun grabacion di nos musica folklorico.

E atardi aki a inicia 3.or y mei di atardi y a termina alrededor di 5.or y mei.

Mester extende palabra di elogio na e grupo di folklore internacional, kendenan ta personanan di edad, pa nan presentacion.

Esaki pa motibo cu nan ta personanan residencia na varios ciudad den Estados Unidos y a reuni abordo di e barco "Regent Sea" na unda nan a sera concoci cu otro y a practica e diferente bailenan cu ayudo di un maestra di baile.

Instituto di Cultura ta orguyoso di por a forma parti di un atardi cultural folklorico

durante cual pa 2 ora largo Aruba a cera conoci cu e folklore internacional di acerca y esnan di extranheria por sera conoci pa prome viaha cu nos folklore.